

## Universitätsbibliothek Paderborn

### **R. P. Richardi Arsdekin Soc. Jesu Sac. Theol. Professoris Theologia Tripartita Universa**

Complectens nunc Bibliothecam perfectam Viri Ecclesiastici, ordine  
sequenti

Controversiae Heterodoxae Ac Scholasticae - Cum speciali Notitia rerum  
Modernarum, & Chronologia totius Monarchiae Sacrae, & Saecularis,  
Pontificum, Conciliorum &c. Haeresum omnium, ac Propositionum  
damnatarum Mundi Sex Aetatum ...

**Archdekin, Richard**

**Dilingae, 1687**

Cap. V. De Sacrificio Missæ, & Communione sub utraq[ue] specie.

**urn:nbn:de:hbz:466:1-38447**

## 70 Cap. IV. De Sacramento Eucharistiae Controversia Recentiores.

tia est absolute possibile: alias & Abraham, & David, & Salomon, & omnes etiam pii Reges & Principes Catholicci celorum regno excluderentur.

Alia argumenta merè plebeja, & per se futile, à quovis his principiis instruēto facile dissolvantur.

Ex quibus manifestè corrunt nova Afferita D. Morlæi in suis Tractatibus de Controversiis Religionis Romanæ pag. 21. & 22. ubi majori confidentia quam peccati afferit. *Transubstantiationem* in Eucharistia rem esse impossibilem & incredibilem, utpote contrariam *Sensuum* testimonio, & necessariò inducentem ad delitia *Scepticorum* non tantum in aliis artibus & scientiis, sed etiam in ipsis Theologicis.

Sed, ut breviter concludam: Quisquis Theologus est, aut Philosophus mediocris, latè novit non tantum quatuor, sed quinque esse hominis sensus, Fidem autem non esse ex visu, gustu, &c. sed ex solo *Auditu*, ut testatur Apostolus ad Romanos 10. *Fides ex auditu, auditus autem per verbum Christi*. Verba autem Christi de reali sua præsenti in Eucharistia addè sunt clara apud præcellentissimos primitivæ Ecclesiæ Patres, quos supra recensui, ut non timemus nos ad alios scepticos, quam ad Christum Evangelistas, & primos Ecclesiæ Patres à D. Morlæo relegari.

## CAPUT IV.

*De Impanatione Lutherana & præsentia Christi in solo uisu.*

**A**rgumenta qua hæc tenus evincunt in Consecratione vi verborum panem murati & converti in Christi Corpus, & vinum in Sanguinem, probant non fieri impanationem, id est, panem cum Corpore Christi in Eucharistia non permanere, ut contra Lutherum docet Ecclesia Catholica cum Trident. Sess. 13. cap. 4. Non enim dici potest una substantia in aliam converti, nisi prima desierit, & altera in ejus locum succedat. Sic lignum non potest converti in ignem, nisi formâ ignis introductâ, forma ligni desierit: neque dici posset virga Moysii converta in serpentem, si virga cum serpente permaneret.

II. Declarant autem hanc transubstantiationem testimonia Patrum supra allata, qui afferunt panem fieri Corpus Christi, mutari, converti &c. Audi quoq[ue] in quarto seculo primitivæ Ecclesiæ loquenter S. Cyriillum Hieros. Catechesi 4. mystag. Aquam olim in vinum convertit in Cana Galilææ, & non erit dignus cui credatur quod vinum in sanguinem transmutaverit?

Idem eodem saeculo profitetur Gregorius Nyssen. Orat. catech. cap. 37. Rechè ergo nunc quoque Dei Verbo significatum panem, in Dei Verbi corpus credo transmutari.

Denique S. Ambrosius disertis verbis scribit de pane fieri corpus Christi lib. 4. de Sacrament. cap. 4. Panis iste panis est ante verba Sacramentorum, ubi accesserit consecratio de pane fit corpus Christi. Ac pergit ibidem ostendere nihil hic esse creditu difficile: Si enim, inquit, creavit Deus cælum & terram quando non erant, quanto magis poterit panem & vinum, quæ jam existunt, in aliud commutare.

III. Altera controversia cum Lutheranis est, quod doceant Christum esse realiter præsentem in solo uisu, & sumptione Eucharistiae, sic ut in Hostia consecrata

non perseveret dum exponitur in templo, servatur in pyxide, aut ad ægros deferatur.

Sed contra, Postquam Christus consecrationis verba protulit, Eucharistia aliquo temporis spatio in ejus, aut Discipulorum manibus verlabatur, antequam singuli ex Discipulis illam manducarent. Ergo si ante Communionem Christus erat sub speciebus Eucharisticis, non est ratio negandi quod postea extra usum sub iisdem perseveret. Vel puto à Lutheranis ut ostendant, ubinam in Scripturis dicatur, quod statim post usum Christus recedat, & evanescat? Nullum certè in Sacris litteris extat istius doctrina vestigium. Quinimò ex antiquissimo usu primitivæ Ecclesiæ constat Eucharistiam asservari, & ad ægros deferri consueuisse.

IV. Probatur id primò ex Tertulliano, qui lib. 2. ad uxorem, testatur Christianos suo tempore consueuisse Eucharistiam ad suos domum deferre, ut eam opportuno tempore fumerent. Et in Serm. de Lapis, narrat mulierem quandam, cum aream, in qua Sanctum Domini fuerat, indignis manibus aperire tentasset, igne inde surgente deterritam fuisse. En consuetudinem secundi post Christum facili, quo author ille vixit, etiam divino miraculo comprobata.

S. Justinus Martyr ejusdem facili in *Apolog.* 2. asserit, post Sacra peracta Diaconos solitos fuisse deferre Eucharistiam ad fratres absentes.

S. Ambrosius in *Orat. de obitu Satyri*, narrat Satyrum fratrem suum particulam Eucharistie ad colum suspendisse in naufragio periculo, & sic salvum evasisse.

S. Hieronymus in epist. ad Rusticum, refert S. Exuperium Tolosæ Episcopum, Christi Corpus in canistro vimineo comportasse.

Denique hæc Fides, Uſus, & Consuetudo in primitiva Ecclesiæ adeò certa, & indubitate fuit, ut S. Cyrilus in epist. ad Gallofyniam, in terminis affirmare non dubitet eos infanire, qui afferunt Eucharistiam si in alterum diem asservetur vim suam amittere. Errare non potuit Fides, & Consuetudo primitivæ Ecclesiæ, aut qui eam sequuntur. Ergo errare necesse est eos qui solo Luthero duce illi adverfantur.

## CAPUT V.

*De Sacrificio Missæ, & Communione sub utraque Specie.*

Occit Ecclesia Catholica contra Sectarios Modernos, Christum in ultimâ cœnâ non tantum Sacramentum, sed etiam Sacrificium per Sacerdotes offerendum instituisse, per illa verba, *Hoc facite in meam commemorationem &c.* prout à vera & primitiva Ecclesiæ semper intellecta fuerunt.

I. Probatur primò, ex Apostolo ad Hebreos, cap. 7. v. 17. ubi declarat de Christo verè dici, *Tu es Sacerdos in eternum secundum ordinem Melchisedech*. Cum autem Sacerdotis proprium munus sit offerre Sacrificium, non potest Christi Sacerdotium in Ecclesiam esse in eternum sine perpetuo Sacrificio in Ecclesia offerendo. Atqui eruentum Crucis Sacrificium semel tantum offerri potuit, cum Christus sibi mori, & immolari nequeat. Ergo tantum restat ut perpetuò offerat per suos Ministros incruentum Missæ Sacrificium, alias Apostoli verba erunt ab omni veritate aliena.

Sacrificium autem illud sub specie Panis & Vini offeren-

## Cap.V. De Sacrificio Missæ, & Communione sub utraque specie.

71

offerendum esse indicant eadem Apostoli verba, dum afferit Sacerdotium Christi fore secundum ordinem Melchisedech, cuius Sacrificium consistebat in Panis & Vini oblatione, ut patet Genes. 14. vers. 18. *Melchisedech Rex Salim proferens panem & vinum, erat enim Sacerdos Altissimi.*

II. Probatur secundò, ex eo quod Deus nullo unquam tempore reliquerit Ecclesiam suam sine aliquo Sacrificio, quod in signum supremæ majestatis illi offerri debeat. Nam in statu legis natura reperimus publicum Sacrificium Deo oblatum per Abelem, Noë, Abrahamum &c. In lege Mosaica plurima erant instituta Sacrificia, holocausta, victimæ, libamina. Ergo nullo modo credibile est solam Ecclesiam Christi relictam esse omni vero & publico sacrificio destitutam, quo poslit omni tempore Deum placare, laudis & impetracionis hostiam offerre, vitæ ac necis Dominum agnoscere, quod oblatione sacrificii propriè prefatur. Quod divino cultui adeò proprium est, ut nulla unquam Gens Deum coluerit, qua sacrificium aliquod aut victimam non obtulerit. Quomodo igitur cogitari potest Christum, qui volunt Ecclesiam suam toto orbe diffundi, non ordinasse sacrificium aliquod publicum, & sua Ecclesia proprium, in quo omnes gentes convenienter, & cultu conformi Deum adorarent. Quo autem sacrificio poterit populus Christianus melius conjungi, ac designari, quam per oblationem corporis, & languinis Christi in sacro lancto Missæ sacrificio?

Ad hunc finem ab exordio Ecclesia Christianæ instituti sunt Sacerdotes, & erecta sunt Altaria. Ad quid enim serviant Sacerdotes, & Altaria, nisi ut victimæ, & sacrificia offerantur, sine quibus torus ille apparatus inanitus esset, & proprio usu destitutus.

III. Probarunt tertio, ex perpetuo usu Ecclesia Christianæ Missæ sacrificium offerendi, ad hæc usque tempora continuato: adeò ut mirum sit, ab iis qui se primævam Ecclesiam venerari & sequi profanterent a liud unquam fuisse cogitatum.

Sacrificium hoc jam inde à Christi temporibus in Ecclesia ubique oblatum fuisse testis locuples est S. Irenæus, qui floruit secundo post Christum seculo, scribit enim lib. 4. cap. 32. Christum in cena Apostolorum novam novi testamenti oblationem docuisse, quam Ecclesia, inquit, ab Apostolis accipiens in universo mundo offert Deo juxta Malachia vaticinium.

IV. Eundem Ecclesia primævæ usum prodit S. Augustinus in Psalm. 33. Ipse Dominus, inquit, de corpore & sanguine suo instituit Sacrificium secundum ordinem Melchisedech; unde & ipsi Apostoli sacrificare leguntur. An ergo Apostoli à Christi doctrina aberterunt.

Identoto orbe Christiano sacrificium offerit iterum Augustinus de Civitate Dei lib. 19. cap. 22. loquens de oblatione Melchisedechi, Ibi (inquit) apparuit sacrificium quod nunc à Christianis offerunt Deo toto orbe terrarum. Et lib. 4. de Trinit. cap. 14. Quid gratius offerri aut suscipi possit quam Caro sacrificii nostri?

S. Ambrosius in Luc. cap. 1. Cùm sacrificamus, Christus adets, Cluiflus immolatur.

S. Hieronymus super verba Malachie; In omni loco, ut offerri oblationem, nequam immundam, ut à populo Israël, sed mundam, ut in ceremoniis Christianorum.

Eusebius Emisen. ser. 5. de Paschate. Melchisedech oblatione panis & vini, hoc nimis unum quod in Eucharistia celebratur, Christi Sacrificium figuravit.

S. Justinus Martyr. in Dialogo cum Triphono. Omnia Sacrificia que sue nomine facienda Jesus Christus tradidit, id est, in Eucharistia panis & poculi, quæ in omni loco à Christianis fiunt, præoccupatio ne usus Deus, sibi grata esse testatur. En iterum S. Justinus secundi facili testis Sacrificium Eucharisticum in omni loco à Christianis oblatum fuisse testatur. Ergo vel errant omni loco cum SS. Patribus Christiani primitiva Ecclesia, vel aberrant hujus temporis Sectarii huic Sacrificio contrarii.

V. Quoad Laicorum Communionem; docet Ecclesia Romana non esse necessarium præbere Laicis communionem sub specie vini, contra plerosque Sectarios.

Primo, quia nullum in Scripturis extat præceptum administrandi Laicis Eucharistiam sub specie vini, ut infà ostendam.

Secundò, Quia ipse Christus duobus discipulis in Emmaus porrexit Eucharistiam sub sola specie panis, *Luc. 24. & cognoverant eum in fractione panis*, ut eum locum explicat Hieronymus, Augustinus, Chrysostomus, & plures alii. Et tempore Apostolorum de fidelibus dicitur, *Aet. 2. Erant autem perseverantes in doctrina Apostolorum, & communione fractionis panis.* Ubi nulla calicis fit mentio, ut nec *Aet. 20. Una autem Sabbathi cum convenissemus ad frangendum panem.*

Tertio, quia de communione data sub unica specie sepe memorant Patres primitivæ Ecclesia, ut infra patet, quod sine errore fieri nunquam posset, si extaret præceptum Christi de communione sub utraque specie.

VI. Contra hæc, præceptum à Christo latum esse de præbendo Laicis Calice probare conantur Sectarii primò, ex Matth. 26. v. 27. *Bibite ex eo omnes.* Verum ea verba adulos Apostolorum pertinere declarat Marcus cum addit, *Et biberunt ex eo omnes*, scilicet Apostolitune in cena præsentes.

Opponunt secundò, verba Christi *Ioan. 6. vers. 53. Nisi manducaveritis carnem Filii hominis, & biberitis ejus Sanguinem non habebitis vitam in vobis.* Ergo non habebit vitam qui non sumit Eucharistiam sub specie vini. Sed facile negatur consequentia, non enim requirit Scriptura ut omnes bibant Sanguinem sub specie vini, sed tantum ut bibant Sanguinem Christi quocumque modo id fiat: Jam vero sub specie panis necesse est totum Christi Corpus cum Sanguine conjungi, cum illic Corpus Christi non mortuum, sed integrum, gloriosum, & vivum prout modo in celo existit, sub unica panis specie constituantur. Ergo hoc ipso quo aliquis Christi Corpus sufficit sub sola specie panis, Christi pariter Sanguine reficitur. Neque illius Scripturæ locus plus requirit, quam ut sumatur Sanguis Christi, non vero ut sub vini specie recipiatur.

VII. Et sane graves admodum erant cause cur Christus noluerit præceptum sumendi calicis omnibus Laicis imponi. Nam in quibusdam regionibus præsertim frigidis, & à vino, ac commercio remotis, aliquando moraliter impossibile foret vinum in ea quantitate procurare quæ toti populo sufficeret. Magnum quoque ac frequens adesler periculum effusionis,

Alsde  
kin

Theo.  
logia

nis, ac irreverentiae, si deberet calix per omnes totius populi manus aut ora circumferri, toties impleri, toties detergi &c. Non negant tamen Catholici posse usum calicis ulli unquam Laico concedi, sicut Regibus Galliae concessus traditur, sed docent de illo omnibus concedendo nullum omnino praeceptum divinum extare. Quod autem Sacerdotes debent sub utraque specie communicare, non ideo id sit, quod hoc ad Sacramentum, sed quod ad Sacrificium requiratur; ut per Sanguinem quasi seorsim sub specie vini sumptum, & oblatum, Mors & Passio Christi representetur.

Nullum autem de præbendo Laicis calice præceptum à Christo constitutum, aut à primitiva Ecclesia agnitus fuisse vel ex eo patet, quod Paulinus Presbyter in vita S. Ambrosii narrat, dum jam S. Ambrosius esset è vita excessurus, Sacerdotem nomine Honoratum divinitus ter advocationem adfuisse, & S. Ambrofio dominicum Corpus obtulisse, sine ulla languinis mentione, quod, inquit, ubi accepit emisit Spiritum. Et ipse Dominus non tantum manducanti carnem & bibenti Sanguinem, sed etiam scipsum sub sola panis specie sumenti vitam aeternam promisit, *Ioan. 6. Qui manducat hunc panem vivet in aeternum.*

## C A P U T VI.

### *De Confessione Sacramentali.*

I. Dacent Catholici, lapsis in peccatum mortale à Christo præceptam esse confessionem Sacramentalem, formaliter integrum, & distinctam quoad speciem & numerum delictorum, coram Sacerdote ad hoc legitimè deputato.

Hanc confessionem, quam auricularem vocant, negant paucim Seçtarii, existimantes sufficere se coram Deo peccatorem agnoscere. Quamvis nec in hoc inter se omnes convenient: constat enim Lutheranos multis locis in Germania etiam coram Ministro suo peccata faltem genericè confiteri. In hoc errore concordant Novatores nostri cum haereticis Novatianis à primitiva Ecclesia damnatis, qui oris confessionem, & Sacerdotis Sacramentalem absolutionem penitus sustulerunt: ut tertio post Christum saeculo testatur S. Cyprianus lib. 4. epist. 2. & S. Augustinus de hereticibus Novatianorum. Fieri autem non potest ut doctrina illa nunc sit vera, quæ in primitiva Ecclesia fuit haeretica.

II. Probatur doctrina Catholica ex Scripturis, quæ hanc absolvendi potestatem Sacerdotibus aperte concedunt Matth. 18. *Quicumque ligaveritis super terram erunt ligata & in celo. & quicumque solveritis super terram erunt soluta & in celis.* Et Joan. 20. *Accipite spiritum sanctum, quorum remiseritis peccata remittuntur, & quorum retinueritis retenta sunt.* Item Jacob. 5. v. 16. *Confitemini alterutrum peccata vestra.*

Itaque ex illis Christi verbis sic argumentor. In Ecclesia Christi, quæ est perpetua, constituti sunt perpetui Judices cum potestate ligandi, atque absolvendi peccata. Atqui Iudex non potest absolvere aut remittere peccata, nisi ad ipsius tribunal fuerint relata, & debitè exposita. Ergo ad peccatorum absolutionem à Christo institutam necessarium est, illa à penitente Sacerdoti debitè exponi. Non enim potest Iudex absolvere à delictis sibi incognitis, Sacerdos autem nequit delicta cognoscere nisi illi à penitente per Con-

fessionem aperiantur, cui soli peccatorum suorum malitia solvere esse manifesta.

Neque refert quod Christus Magdalena, & quosdam alios sine particulari peccatorum confessione absolverit. Christus enim, cum esset Deus, potestatem habuit absolutam peccata contra suam legem commissas quocunque modo condonandi. At ministri Ecclesiae, cùm à Christo constituti sine Judicibus ad ligandum aut solvendum juxta statum pénitentis, debent ejus statum & delicta expondere, antequam sententiam ferant: hunc autem pénitentis statum purus homo absque distinctione peccatorum confessione cognoscere nequit.

III. Atque ut aperte patet hoc Pénitentia tribunale eo quo diximus modo à Christo constitutum fuisse, & à primitiva Ecclesia perpetuo usurpatum, ipsam in suis Patribus loquente audiamus.

S. Augustinus in *Homil. 49. cap. 3.* Nemo sibi dicat, occulè ago, apud Deum ago, novit Deus qui mihi ignoscit quid in corde ago: Ergo sine causa dictum est, *qua solveritis in terra soluta erunt in celo:* ergo sine causa sunt claves data Ecclesie Dei. Frustraneum Evangelium, frustranea verba Christi, promittimus vobis quod ille negat. En quomodo nobiscum has Scripturas Augustinus intellexerit: & confessionem occultam soli Deo, non Ecclesie ministro factam reprobaverit.

Audi iterum, & excrare tam apertum nostri temporis errorem. Augustin. lib. 2. de *Vist. Infirm. cap. 4.* Sunt quidam, qui sibi ad salutem sufficere autant, si soli Deo cui nihil occultum est sua confiteantur crimina: nolunt enim, aut erubescunt, sive dedignantur se ostendere Sacerdotibus, quos tamen inter lepram & lepram discernerere per legislatorem Dominus constituit.... Ergo ad te venire roges Sacerdotem, & fac illum conscientiarum tuarum penitus participem. En quomodo penitus integrum requirat fieri Sacerdoti peccatorum Confessionem. Audi porro quā censurā hanc omittentes ibidem perstringat. Non seducar te, inquit, illa somniantum superficio, quæ in visitatione confirmata, quasi salver, Sacerdote inconfutò, ad Deum peccatorum confessio.

Idem inculcat antiquissimus Athanasius *Serm. in illa verba.* Invenietis pullum alligatum. Nondum, inquit, soluta sunt vincula, tradas tecipsum discipulis Iesu, adiunt enim qui te solvant pro potestate ea quam a Salvatore acceperunt; quæcumque enim ligaveritis inquit in terra, erunt ligata & in celo.

Idem docet S. Basilus *Interrogat. 288.* Necessariò iis peccata aperiri debent, quibus credita est dispensatio mysteriorum Dei.

Idem necessarium esse confirmat S. Chrysost. lib. de *Sacerd.* Qui laborant Christiani, ultrò sibi persuadent Sacerdotum curationi se submittere oportere.

S. Cyprianus tertio post Christum saeculo, lib. de *Lapsis.* Confiteantur singuli delictum suum dum admitti ejus Confessio potest, per manus impotitionem Episcopi, & Cleri jus *Communicationis* accipiunt.

Innocentius I. quinto post Christum saeculo, in vita S. Ambrosii. De pondere astimando delictorum Sacerdotis est judicare, sed quomodo nisi illi innoescant.

Ex his iterum aliud inferre non potes, quām falli Scripturas, errare Patres primitivæ Ecclesie, aut